



Future-proofing our children

Tiisezo 2

Toho ya Tuto

Mbuyoti

Buka ya Bashemi

Sikolo sa la Sunda sa mwa Malapa



Balatiwa Bashemi

Mwa amuhelwa kwa tuto yeli: “**Mbuyoti**” Tiisezo 2.

Pampili ye imifa liselinyana kamo mukona kulutela tuto ye.

Mukwa mo mu kona ku itukiseza ni kufa tuto ye ka ona

Ze tatama ki zeñwi zeo mu swanela ku ezeza mwa ku itukiseza ni ku fela tuto ye:

Muhato	Sa ku eza
1	<p>Mu kene fa likepe la Keleke Yenca ya Baapositola, ka ku sebelisa likepe le fa WhatsApp:</p> <p>https://bit.ly/3NACSSHS</p>
2	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibeke • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nakonyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba hahulu mwana mina ni ku fita.</p> <p><i>Ka mulao, Sikolo sa la Sunda hasi swaneli ku fitelela mizuzu ye mashumi a mane ka ye ketalizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Lituto ya Bibeke ni Tiisezo - SS1, RI1 or Confirmation).</p> <p>2.4: Mulizeze kapa ku ikopanya ni muluti wa Sikolo sa la Sunda ha mu tokwa tuso kwa lisebeliso ze bulezwi.</p>
3	<p>Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.</p>



Kufa tuto ya Tiisezo mwa Malapa

Mukwa mo mu kona ku itukiseza ni kufa tuto ye ka ona

Lu zwelapili ku ikabela mikwa yeo muswanela ku itukiseza ni kufa tuto:

Muhato	Sa ku eza
4	Mu eze sibaka sa tuto kuba se sinde (ku sina lilata) fo mina ni mwanana mu ba ni buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6	Mu iñolele tu ñusanyana twa butokwa to mubata ku hupula ha mufa tuto.
7	Mu iñolele tu ñusanyana twa butokwa to mubata ku hupula ha mufa tuto.
8	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
10	Mu bulelele ni ku susuweza mwana mina kuli a eze musebezi o mwa buka ya hae, ya Sikolo sa la Sunda (I also want to...)
11	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha kuama Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a Tiisezo.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Mu be baba lukuluhile, ku batisisa litaba zeñwi ku amana ni tuto ye.



Tuto

Toho ya Tuto	Mbuyoti
Palo ya linzwi	Genese 32: 10 & 26, Mateu 14: 15-21, Mateu 13: 3-8, Deuteronomo 11: 26-27 ni Mateu 21: 22
Katekisma ni Lipuzo ni Likalabo	Kauhanyo 4 ni 12, Lipuzo ni Likalabo 260 - 270, 660 - 672
Mutomo/butokwa bwa tuto	Batiisezo ba lemuha mo Mulimu a ba fuyaulwa ni kuli mbuyoti i ba lwalezi sikamañi.

Tuto ye kusufalizwe:

Mbuyoti kiñi?

Mbuyoti ki mukwa wo Mulimu a bonisa lilato la Hae ka ona, mi ha kuna ya kona ku i belekela. Ku fuyaulwa ku talusa ku fiwa lika ze nde ki Mulimu. Mwa mbuyoti ku fumaneha maata a kenile ni kuli Mulimu wa lu tusa ni ku lu etelela. Sikuto ki taba ye lwanisana ni mbuyoti.

Mulimu kamita u fa mbuyoti ya Hae ka ku sebelisa batu bao a lumile kuli ba eze musebezi wo, kamutala, baeteleli ba luna. Ha ku na mutu ya kona ku ipa mbuyoti yena muñi. Mbuyoti i hula haiba mutu inge a na ni tumelo, mi buiswalo bwa mutu yo a fuyaulwa ki bo bu ka tisa kuli mbuyoti i inelele ku yena kapa cwañi. Mbuyoti ki mpo yeo lu fiwa ki Mulimu mi i konwa ku ncafazwa. Mbuyoti i kona ku apesa ni mabasi a yo ya i filwe.

Ki lili, ki mañi mi ki sikamañi seo Mulimu a fuyola?

- Kwa mafelelezo a sebelezo - Lizazi la mukiti wa linyalo
- Lizazi la Kolobezo Ye Kenile ya Mezi - Baima
- Lizazi la Kolobezo ya Moya O Kenile - Lizazi la kupuzo ya linyalo
- Lizazi la Tiisezo - Nubu
- Lizazi la ku beelelazana - Lico ze lu ca

Butokwa bwa mbuyoti ki bufi?

Mbuyoti ki ya butokwa. Mbuyoti yeo Jakobo na filwe ki Ndatahe ni Mulimu ne i mu tusize mwa bupilo bwa hae bwa nama – Genese 32: 10 ni 26. Mulena Jesu na konisize batu ba 5 000 ku fepwa ka litapi ze peli ni misulo ye ketalizoho – Mateu 14: 15-21.

Butokwa bwa mbuyoti ki bufi? Kwa bonahala handende kuli mbuyoti ya Mulimu i tisa kekezo ku mutu ya i filwe.

Ka nguli ya mucali, Jesu Krete na bulela ka mo linzwi la Mulimu li amuhelelwa. Ku itinga ka buino bwa mubu, peu ha i koni ku tisa kutulo ya mbuwa – Mateu 13:3-8. Mbuyoti ya Mulimu ha i koni ku hula ku sina tumelo, buiswalo sakata ni mikwa ye minde.

Mbuyoti lu kona ku i fumana cwañi?

Buiswalo bwa luna bu tisa kuli lu kone ku fuyaulwa. Lu kona ku fuyaulwa haiba inge lu kwalulela pilu ya luna misebezi ya Hae. Se si talusa:



- Ni tokwa ku buluka milao ya Mulimu!
- Ni tokwa ku pila ka tuto ya Jesu ni Baapositola ba Hae.
- Ni tokwa ku kupa mbuyoti ya Mulimu! Kamutala, na kupa: Ndate wa lihalimu, nit use kuli ni swanehele ni kuli u fuyole seo ni nze ni eza mwa musebezi wa Hao.
- Ni tokwa ni buluka buitamo ni sepiso ya ka ku Mulena Mulimu!

Mbuyoti ya Mulimu i lu ezeza sifi?

Mbuyoti ya Mulimu ya bukeleza ni ku lu ekeleza ze tatama:

- **Kozo** ye kenile yeo i lu fa ku kuza mwa pilu;
- **Lilato** la Mulimu leo li lu konisa ku lata muyahaneku ka mo lu i tatela;
- **Tabo** mwa musebezi wa Mulimu, yeo i lu tusa ku pila ka tabo mwa tumelo ya luna, ku paka Mulimu, ni ku eza sitabelo;
- **Butali** bwa Mulimu bo bu lu tusa ku lemuha ni ku amuhela tato ya Mulimu ni ku pila ka yona;
- Ku kona ku lata Ndate wa lihalimu ni ku sepahala ku Yena ku isa Jesu Kreste a kuta.

Tuto ye i talusa ñi ku luna kacenu?

Lu tokwa ku hupula ka mo Mulimu a lu fuyaulezi, ni kuli butokwa bwa mbuyoti yeo ku luna ki bufi.

Zeñwi za lipuzo zeo lu kona ku buza:

1. Toloka linzwi le, mbuyoti?

Kalabo: Mbuyoti ki mukwa wo Mulimu a bonisa lilato la Hae ka ona, mi ha kuna ya kona ku i belekela

2. Kana mbuyoti i kona ku ncafanzwa nji?

Kalabo: Eee, i kona ku apesa ni mabasi a yo ya i filwe.

3. Butokwa bwa mbuyoti ki bufi?

Kalabo: Mbuyoti ya Mulimu i libisa kwa kekelezo.

4. Lu na ni ku eza ñi kuli Mulimu a lu fuyaule?

Kalabo: Lu na ni ku kwalula lipili za luna kwa misesbezi ya Hae, ni ku lemuha kuli buiswalo ni mikwa ya luna li bapala kolo ye tuna.

5. Butokwa bwa mbuyoti ya Mulimu ku na ki bufi?

Kalabo: Mbuyoti ya Mulimu i bukeleza ni ku ekeza kozo, lilato, tabo ni zibo ya Hae ku na, ni ku ni konisa ku lata Mulimu, ni ku sepahala ku isa Jesu Kreste a kuta.

Mañusa a ekelizwe, balatiwa bashemi

1. Sina ka ku eza musebezi, mwana mina uswanela ku ituta manzwi a **buitamo bwa Tiisezo**.



Tapelo ya Bondate ni Boma pili tuto isika tateka kale:

*Mulimu ya maata ndata luna wa kuya kuile, lwa itumela kwa lizazi le linde le.
Ka buitumelo, lu inamisa litoho za luna ku wena kacenu ni ku itumela kwa nako
yeñwi hape ya ku ituta.
Lwa kupa ulu tuse hape kacenu, lu utwisise ni ku swala tuto ye, kono sa butokwa lu
sebelise tuto ye mwa Bupilo bwa luna bwa ka zazi.
Lu kupa ze mwa libizo la Jesu. - Amen*